



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Stephani Balvzii Miscellaneorum Liber ... Hoc est,
Collectio Veterum monumentorum, quæ hactenus
latuerant in varijs codicibus ac bibliothecis**

Baluze, Etienne

Parisiis, 1679

Præceptum Ludovici Regis quod fecit Ecclesiæ sancti Stephani
Lugdunensis.

urn:nbn:de:hbz:466:1-14735

Data XII. Kalendas Iulij anno Christo propitio
v. imperante Domino nostro serenissimo Karolo Im-
peratore Augusto, in Francia verò anno imperij ejus
primo.

Actum Stirpiaco villa in Dei nomine, Indictione
tertia.

PRÆCEPTVM LVDOVICI
*Regis quod fecit Ecclesiæ sancti Stephani
Lugdunensis, & dicit quòd Colonicas & Fi-
filiacum & Caduliacum villas, quæ sunt
in mandamento de castro Virevo, in pago
Salmoriacensi sunt & in episcopatu Gratia-
nopolitano.*

IN nomine sanctæ & individuæ Trinitatis. Ludo-
vicus divina ordinante providentia Rex. Si fide-
lium nostrorum sanis justisque petitionibus aurem
nostræ serenitatis accommodamus, eorumque utili-
tatibus præstando subvenimus, regiæ dignitatis ope-
ram damus, & ob id eorum animos nostræ fidelitati
promptiores immo ferventiores exhibemus. Itaque
notum sit omnibus fidelibus sanctæ Dei Ecclesiæ ac
nostris præsentibus atque futuris quoniam deprec-
atione & hortatu sive consilio gloriosissimæ genitricis
nostræ Hermengardis & pro sincerissimo Aureliani
didascali nostri obsequio concessimus Ecclesiæ bea-
tissimi protomartyris Stephani Lugdunensis, cui
idem venerabilis Aurelianus Archiepiscopus præesse
dinoscitur, Ecclesias villasque cum omnibus ad eas
pertinentibus in pago Lugdunensi sitas, ut ipse bea-
tissimus protomartyr pro nobis & pro nostris geni-
toribus ac avis & proavis intervenire dignetur, vi-
delicet foris murum ipsius civitatis Ecclesiam sancti

Anno Christi
892.

Laurentij cum beneficiolo ad ipsam pertinente, cis Arari verò abbatiam sancti Martini quæ Athanacus vocatur cum omnibus sub integritate ad ipsam abbatiam pertinentibus, Genoliacum quoque cum portu & mercato habentem capellam & mansos inter vestitos & absos xxxiiii. cum omnibus ad se pertinentibus, Dagniacum etiam habentem capellam & inter absos & vestitos mansos triginta cum omnibus quæ ad eam aspiciunt. Contulimus quoque Ecclesiam sancti Hyreni ad stipendia Canonicorum ibidem seruientium pro æterna remuneratione, in Luperciaco mansos tres, in Viliaco mansum unum, in Monte mansos duos, in Cabanniaco mansos duos. Volumus quoque ad gloriosissimæ genitricis nostræ votum præcepta à nostris statuta avis & proavis, piissimis videlicet Imperatoribus Augustis Lothario, Ludovico, atque Karolo, eorumque filiis & nepotibus Regibus, necnon & consobrino nostro Ludovico, regis nostræ auctoritatis isto videlicet confirmare. In pago scilicet Lugdunensi Nantoadense monasterium & Saviniacense cum suis omnibus appendiciis, & in eodem pago immunitatem villæ urbanæ juxta civitatem, & Ansam villam in usus fratrum, Acausanum, Caliseum quoque, & Cortemacum, & villam Egenam, vicumque Ambariacum, atque Beliacum, Lupertiacum etiam & Cocciacum, cum earum appendiciis & familiis utriusque sexus. In pago Viennensi villam Turnonem & Liviam & Lucenacum cum integritatibus suis. In pago autem Valentiaco Saciacum villam. In pago autem Salmotiensi & Gratianopolitano Colonicas, & Fistiliacum, Caduliacum villas, cum suis pertinentiis. In comitatu Scutiacensi Morgas villam cum immunitate & appendiciis suis. In pago verò Brionensi Pisniacum villam cum omni integritate. In pago namque Augustudunensi Candiacum villam cum suis appendi-

eiis. In pago etiam Belnensi Polmarcum villam cum integritate sua, Et in comitatu Portuensi Flaviacum & Pocetum villas cum omnibus appendiciis suis. In pago namque Cavilonensi Montaurum villam & Villare atque Scovellam cum suis appendiciis. In pago verò Bassiniacensi Ramsonarias cum suis appendiciis. Volumus ergo, ut suprà diximus, ut quæ ibidem ab antecessoribus nostris jamdictis aut largita sunt aut reddita, seu ab aliis cujuscunque ordinis viris collata sunt, vel deinceps Deo propitio conferentur, sub nostra immunitate firma & stabilia perseverent. Præcipientes ergo jubemus & jubendo præcipimus ut nullus iudex publicus vel quislibet ex judiciaria potestate in Ecclesias aut loca vel agros seu reliquas possessiones memoratæ Ecclesiæ, quas moderno tempore infra ditionem regni nostri legaliter possidet, vel quæ deinceps in jure ipsius divina voluerit pietas augeri, ad causas audiendas, aut freda exigenda, vel mansiones aut paratas faciendas, vel fidejussores tollendos, aut homines ipsius Ecclesiæ extra rationem distringendos, nec ullas redhibitiones aut illicitas occasiones requirendas ullo unquam tempore ingredi audeat, vel quæ suprà memorata sunt penitus exigere præsumat; sed liceat memorato Archiepiscopo suisque successoribus res suprà memoratæ Ecclesiæ quieto ordine possidere & nobis fideliter deservire, & pro nobis ac gloriosissima genitrice & pro totius regni nostri stabilitate non negligent exorare. Ut autem hæc nostræ munificentiae auctoritas semper in Dei nomine obtineat firmitatem, manu nostra subter firmavimus, & anuli nostri impressione insigniri iussimus.

Signum Ludovici serenissimi Regis.

Vvarimaldus Notarius advicem Barnoini recognovit.

Data xv. Kal Aprilis anno dominicæ incarnationis

156 MISCELLANEOBUM
nis DCCCXCII. & eodem Christo propitio reg-
nante domno nostro Ludovico anno secundo in Bur-
gundia seu Provincia, Indictione x.

Actum Lugduni civitate in Dei nomine feliciter.
Amen.

*PRÆCEPTUM LUDOVICI
Regis quod facit Ysaac Gratianopolitano
Episcopo & successoribus ejus.*

Anno Christi
894.

IN nomine sanctæ & individuæ trinitatis. Lu-
dovicus divina ordinante providentia Rex. Digi-
num est ut regalis sublimitas procerum suorum peti-
tionibus annuat & annuendo adimpleat, quanto eos
viderit in suis obsequiis persistere efficaces. Idcirco
omnium fidelium sanctæ Dei Ecclesiæ regnique no-
stri, nostrorum videlicet & futurorum Regum, no-
verit solertia quia domina genitrix nostra Hirmin-
gardis Regina nostram regalem expetiit clementiam
super quodam fidei nostro Ysaac venerabili Epif-
copo, ut præceptum vel donum quod pius genitor
noster Boso Rex fecerat de Ecclesiis sanctæ Mariæ
seu sancti Donati confessoris eximij cum suis spiri-
tualibus obsequiis confirmaremus. Est autem ipsa
Ecclesia sita in comitatu Viennensi, in vico Iovin-
ziaco. Cujus nos precibus annuentes unà cum Epif-
copis, Comitibus, seu nonnullis regiminis nostri
Principibus, stabilitatis præceptum sancimus ut
ipse Ysaac ejusque successores nullo contradicente
in prædicta Ecclesia cum omni ejusdem loci clero
teneant possideant omnes virtutes quas mater Eccle-
sia perpetim videtur habere in omnibus ecclesiasticis
ordinibus, chrisma videlicet in Domini cœna bene-
dicendo, pœnitentiam peccatoribus dando, eicien-